

Հ Ա Շ Վ Ե Տ Վ ՈՒ Թ Յ ՈՒ Ն

ՀՀ ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐԻ ՏԵՂԱԿԱԼ ՌՈՒԲԵՆ
ՍԻՄՈՆՅԱՆԻ ԵՎ ՆԱԽԱՐԱՐԻ ՕԳՆԱԿԱՆ ԼԻԱՆԱ ԳՐԻԳՈՐՅԱՆԻ ԼԱՏՎԻԱՅԻ ԵՎ
ԼԻՏՎԱՅԻ ՀԱՆՐԱՊԵՏՈՒԹՅՈՒՆՆԵՐ (Ք. ՌԻԳԱ ԵՎ Ք. ՎԻԼՆՅՈՒՍ) ԳՈՐԾՈՒՂՄԱՆ
ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը.

Ռուբեն Սիմոնյան,

Լիանա Գրիգորյան

2. Զբաղեցրած պաշտոնը.

ՀՀ բարձր տեխնոլոգիական արդյունաբերության նախարարի տեղակալ և նախարարի
օգնական:

3. Գործուղման վայրը և ժամկետները.

Լատվիայի և Լիտվայի Հանրապետություններ, ք. Ռիգա և ք. Վիլնյուս, 2024թ. մայիսի 27-
ից մայիսի 30-ը:

4. Հրավիրող կողմը.

«Տնտեսական համագործակցության և զարգացման» կազմակերպության (OECD) և
Գերմանիայի միջազգային համագործակցության ընկերության (GIZ):

5. Գործուղման նպատակը.

Ս. թ. մայիսի 28-ից 30-ը Տնտեսական համագործակցության և զարգացման»
կազմակերպության (OECD) և Գերմանիայի միջազգային համագործակցության ընկերության
(GIZ) կողմից «Աջակցություն ՓՄՁ-ների թվային փոխակերպմանն Արևելյան գործընկերության

երկրներում» ծրագրի շրջանակում կազմակերպվեց տարածաշրջանային ուսումնասիրության այց Լատվիայի և Լիտվայի Հանրապետություններ:

Գործուղման նպատակն էր ուսումնասիրել Լատվիայի և Լիտվայի Հանրապետություններում փոքր և միջին ձեռնարկություններին (ՓՄՁ) թվային տեխնոլոգիաների ներդրման և բիզնես գործընթացների թվայնացման արագացման և պարզեցման հարցում տրամադրվող աջակցությունը, ներդրումային ծրագրերը, իրականացվող քաղաքականությունը, գործող ռազմավարական մոտեցումները:

Այցը հնարավորություն ընձեռեց այցելել տեղական տեխնոլոգիական ընկերություններ, պատկերացում կազմել ՓՄՁ-ների թվայնացման էկոհամակարգի վերաբերյալ, ինչպես նաև ուսումնասիրել տվյալ երկրներում ՓՄՁ-ների թվային փոխակերպման գործիքակազմը: Այցը նպաստեց քաղաքական փորձի փոխանակմանը քաղաքականության մշակողների միջև: Գործուղման արդյունքում նախատեսվում է մշակել արդյունավետ նախագծեր, որոնք ուղղված կլինեն ՓՄՁ-ների թվայնացման գործընթացի բարելավմանը և այդ գործընթացում նոր տեխնոլոգիաների ներդրմանը՝ հիմնված այդ երկրների փորձի վրա:

ՀՀ բարձր տեխնոլոգիական արդյունաբերության նախարարի տեղակալ Ռուբեն Սիմոնյանի և նախարարի օգնական Լիանա Գրիգորյանի մասնակցությունը միջոցառմանը հնարավորություն ընձեռեց ծանոթանալու ՓՄՁ-ների թվայնացման մարտահրավերներին, ներկայացնելու տեղեկատվություն բարձր տեխնոլոգիաների ոլորտում Հայաստանի Հանրապետությունում առկա նորարարություններին ու զարգացումներին, բանակցություններ վարելու միջոցառման մասնակից տարբեր պետությունների ներկայացուցիչների հետ՝ գործընկերային կապեր հաստատելու, համագործակցության առկա տարբերակների և դրանց ընդլայնման հնարավորությունների քննարկմանը:

6. Կայացած հանդիպումները և քննարկված թեմաները.

ՀՀ բարձր տեխնոլոգիական արդյունաբերության նախարարի տեղակալ Ռուբեն Սիմոնյանը և նախարարի օգնական Լիանա Գրիգորյանը հանդիպում են ունեցել պետական

կառավարման համակարգի ներկայացուցիչների, ինչպես նաև մասնավոր տեխնոլոգիական ընկերությունների ղեկավարների հետ: Կազմակերպվել են այցեր ոլորտային ընկերություններ:

7. Հանդիպումները, ելույթները, բարձրացված կամ քննարկված հարցերը.

2024 թվականի մայիսի 28-ին Հայաստանի Հանրապետության բարձր տեխնոլոգիական արդյունաբերության նախարարի տեղակալ Ռուբեն Սիմոնյանը և նախարարի օգնական Լիանա Գրիգորյանը այցելել են Լատվիայի Հանրապետության Էկոնոմիկայի նախարարություն: Նրանք հանդիպել են Լատվիայի տնտեսական հարցերով պետքարտուղարի տեղակալ Ռայվիս Բրեմշմիտսի և Շրջակա միջավայրի պահպանության և տարածաշրջանային զարգացման նախարարության թվային փոխակերպման հարցերով պետքարտուղարի տեղակալ Գատիս Օզոլսի հետ:

Հանդիպման ընթացքում հայկական պատվիրակությանը ներկայացվել է Լատվիայի թվային փոխակերպման ազգային ռազմավարությունը, ինչպես նաև կառավարության կողմից իրականացվող քաղաքականությունն ու ՓՄՁ-ների թվայնացման գործընթացների արդիականացմանն ուղղված աջակցության ծրագրերը: Անդրադարձ է կատարվել Եվրոպական միության կողմից անդամ պետություններին տրամադրվող աջակցության ծրագրերին, մասնավորապես քննարկվել է Եվրոպական թվային ինովացիոն կենտրոնների (EDIHs) կոնցեպտը, որը հանդիսանում է «Թվային Եվրոպա» ծրագրի բաղադրիչը:

Նույն օրը հանդիպում է տեղի ունեցել Լատվիայի Ներդրումների և զարգացման գործակալության ներկայացուցիչ Էլինա Ստրաուտմանի հետ, ով ներկայացրեց Լատվիայի ներդրումների և զարգացման գործակալության և Էկոնոմիկայի նախարարության համատեղ նախաձեռնությունները ուղղված բիզնեսի համար էլեկտրոնային ծառայությունների ընդլայնմանը:

Հանդիպումների արդյունքում ձեռք է բերվել պայմանավորվածություն շարունակելու համագործակցությունը և քննարկելու հնարավոր նախաձեռնությունները Հայաստանի թվայնացման քաղաքականության շրջանակներում:

Նույն օրը ՀՀ բարձր տեխնոլոգիական արդյունաբերության նախարարի տեղակալ Ռուբեն Սիմոնյանը և նախարարի օգնական Լիանա Գրիգորյանը այցելել են «Liko R», «RedFrog» տեխնոլոգիական ընկերություններ և Ռիգայի տեխնիկական համալսարանի գիտության և նորարարության կենտրոն (RTU SIC), որը օգնություն է տրամադրում ընկերություններին թվային և տեխնոլոգիական գործընթացները բարելավելու գործում: Ընկերության ղեկավարները ներկայացրել են մանրամասներ թվայնացման գործընթացում իրենց փորձի, կառավարության կողմից տրամադրվող աջակցության, բիզնեսում թվային տեխնոլոգիաների օգտագործման օգուտների և մատահրավերների մասին: Այցը այս ընկերություններ հնարավորություն տվեց ուսումնասիրել արտադրական գործընթացում թվային տեխնոլոգիաների կիրառման ողջ գործընթացը՝ նախագծումից մինչև արտադրական հոսքերի կառավարում, որակի վերահսկում և էլեկտրոնային առևտրի կազմակերպում :

Մայիսի 29-ին Ռուբեն Սիմոնյանը և Լիանա Գրիգորյանը այցելել են «Latvian IT Cluster» և «Latvian Digital Accelerator» տեխնոլոգիական ընկերություններ: Կենտրոնները տրամադրում են ծառայությունների լայն շրջանակ, որոնք նպատակաուղղված են տեղական ընկերություններին աջակցել թվայնացման և նրանց մրցունակության բարձրացման գործում: ՓՄՁ-ներին թվային տեխնոլոգիաների ընդունման գործում օգնելու համար կենտրոնները տրամադրում են դրամաշնորհներ, ֆինանսական գործիքներ, ինչպես նաև կազմակերպվում են թվային գործիքները արդյունավետորեն օգտագործելու հմտությունների զարգացմանն ուղղված դասընթացներ:

Մայիսի 30-ին հայկական պատվիրակությունն այցելել է Լիտվա: Հանդիպում է տեղի ունեցել Լիտվայի էկոնոմիկայի և նորարարության նախարարի տեղակալ Իևա Վալեշկայտեի հետ: Հանդիպումը հնարավորություն է տվել ծանոթանալ Լիտվայում թվայնացման քաղաքականության ռազմավարական մոտեցումներին, մասնավորապես, քննարկվել է Լիտվայի թվային տասնամյակի ազգային պլանի հիմնական դրույթները, որոնք ուղղված են թվային հմտությունների, SCS ենթակառուցվածքի և հանրային ծառայությունների և ձեռնարկությունների թվային փոխակերպման ամրապնդմանը:

ՀՀ ԲՏԱ նախարարի տեղակալ Ռուբեն Սիմոնյանը և նախարարի օգնական Լիանա Գրիգորյանը այցելել են «Litilit» ընկերություն, որը մասնագիտացված է հաջորդ սերնդի գերկարճ իմպուլսային լազերների արտադրության ոլորտում: Ներկայացվել է ընկերության արտադրանքը, միևնույն ժամանակ կազմակերպվել է շրջայց արտադրական տարածքներում և լաբորատորիաներում:

Այց է կազմակերպվել «Manufacturing Innovation Valley (MIV DIH)» ընկերություն, որը Լիտվայի թվային ինովացիոն կենտրոններից մեկն է: Կենտրոնը ծառայում է որպես արդյունաբերության վերափոխման և տեխնոլոգիական առաջընթացի կատալիզատոր Լիտվայում՝ առաջարկելով մի շարք ծառայություններ, որոնք հարմարեցված են Վիլնյուսի և Կաունասի արտադրական ձեռնարկությունների բազմազան կարիքներին:

«Manufacturing Innovation Valley»-ի տնօրեն Գինտարաս Վիլդան նախարարի տեղակալի հետ շրջայց է կատարել կենտրոնում՝ ներկայացնելով իրականացվող աշխատանքները, կենտրոնի հիմնական նպատակներն ու ծրագրերը, ինչպես նաև առաջարկվող ծառայությունները, որոնք օգնում են արտադրական ձեռնարկություններին բարելավել իրենց տեխնոլոգիական կարողությունները և արդիականացնել արտադրական գործընթացները:

8. Առաջարկությունները, դրանց ընթացք տալու վերաբերյալ առաջարկները՝ եզրակացություններ, ժամկետներ, պատասխաններ ակընկալող արդյունքներ.

«Manufacturing Innovation Valley»-ի տնօրեն Գինտարաս Վիլդան նախարարի տեղակալ Ռուբեն Սիմոնյանին առաջարկեց 2024թ. սեպտեմբեր ամսին կազմակերպել եռակողմ հանդիպում՝ ներգրավվելով նաև Ֆինլանդիայի Հանրապետության պատվիրակությանը քննարկելու արտադրական ընկերությունների, ստարտափների, տեխնոլոգիաների մշակողների և հետազոտողների էկոհամակարգ ստեղծելու կոնցեպտը՝ ներգրավվելով նաև մասնավոր տեխնոլոգիական ընկերությունների ներկայացուցիչներին:

Պայմանավորվածություն է ձեռք բերվել քննարկելու «Litilit» ընկերության և Հայաստանում լազերային տեխնոլոգիաների ոլորտում գործունեություն ծավալող ընկերությունների միջև համագործակցության հնարավորությունը, ներառյալ «ԼՏ-ՊԻՐԿԱԼ»

լազերային տեխնոլոգիաների կենտրոն (ՓԲԸ)-ի և Ռադիոֆիզիկայի և էլեկտրոնիկայի ինստիտուտի հետ:

Նախարարի տեղակալ Ռուբեն Սիմոնյանը հանդիպումների ընթացքում ներկայացրել է Հայաստանի Հանրապետությունում 2024 թվականի աշնանը կազմակերպվող տեխնոլոգիական միջոցառումների ծրագիրը: Այցից հետո պաշտոնական հրավերներ են ուղարկվել ինչպես կառավարության ներկայացուցիչներին, այնպես էլ ոլորտային տեխնոլոգիական ընկերություններին՝ նրանց մասնակցությունը այդ միջոցառումներին դիտարկելու նպատակով:

9. Ստորագրությունը, ամսաթիվ



ՌՈՒԲԵՆ ՍԻՄՈՆՅԱՆ



ԼԻԱՆԱ ԳՐԻԳՈՐՅԱՆ

03.06.2024թ.